

義烏縣志

卷卷
十七
八七

義烏縣志卷十七

列女

傳列女者本范蔚宗後乃獨重柏舟之義烏屬婺躔
女多貞守故古志亦卽以貞節標目其閔慷慨赴死
從容就義雖行不同科而志無異矢皆足增彤史之
光而垂閨門之範我

朝崇褒節烈幾與忠臣孝子相抗衡有表厥宅里樹之風
黃聲者固已至茹荼集蓼苦節尤難又當急爲闡揚舊
宋志遞有所增屆今七十餘年貞骨已枯孤情莫達者
亦自不少茲特廣爲蒐羅紀其實行以著於篇志列

女自不小茲特為

宋志載有

黃氏名淨德喻葆光妻賦性溫淑涉獵書史葆光家窘

乏氏不以父母家饒裕自矜孝以事舅姑敬以相夫

嚴以教子至鬻簪珥裱裳以助延師費一日師與客

至值乏肴剪髮易魚為饌師聞之語葆光曰誓不與

君教子成功不止也後五子良倚良能同登進士第

皆以文名良顯以特奏仕至判院良材以恩科授迪

功郎良弼以特科授新喻尉用子貴恩封令人壽九

十七嘗自為詩云但教五子登雲去不管一家如雪

寒人號爲賢母諸孫與之等皆登仕版虞復贊曰千載之上孟母曰賢千載之下喻母繼焉丹桂五芳瓜瓞綿綿猗歟盛哉以永其傳

舊附喻
葆光傳

元

朱氏壽生有淑姿歸金華戚象祖台寇楊鎮龍反攻婺州浙東宣慰司史弼捕獲之鞠其反狀壽父環有亡奴在械中怨環欲誣環出貲助鎮龍時吏怒寇甚凡獄詞所引必盡殺乃止環子元疾病不能起視壽泣壽曰昔緹縈能救父命我獨非人耶乃走告法曹掾馮耿賢曰妾父無罪亡奴欲誣以不道倘事不得直

一家枉作泉下鬼聞君素長者獨不能相活乎言訖
淚如雨馮怒曰此事豈汝女子所知壽哀祈益切馮
爲惻然良久曰爾但歸吾知所處矣明日使吏椎碎
奴口不果誑

本宋濂傳

明

賈氏名專根溪人年二十二歸宋學士濂氏母老濂迎
養於家氏與濂沽酒買魚奉二老人歡濂曰吾雖貧
一而老親之安如此吾退而安寢矣姑亡每念及輒涕
泗交頤刻木爲像事之過蔬食菜羹必祭濂曰昔丁
蘭刻木丈夫之事女婦能行賢矣

見濂先夫人刻像記

宋氏名嫠濂女弟賈明善妻歲戊戌十月西兵擣蘭谿
嫠同明善避浦江城竇山中未幾鄉民嘯聚倡亂殺
人嫠亡匿灌莽中爲游隊所得抽銀條求脫不得將
亂之因以計給至深潭側躍入死時十一月十四日
也

厲氏名妙圓建寧太守時中女東門太常署丞樓士恭
妻于歸後相夫有道奉舅姑以孝聞洪武癸丑士恭
卒於任遺孤安方七歲氏年二十二舅姑憫其少欲
使更適妙圓曰豈有士大夫妻復爲他人婦乎舅卒
姑年老事之益謹姑終葬祭以禮躬蠶織以資兒讀

寒燈雪屋機杼誦讀之聲嘗至四鼓歲時哭奠如新
喪後安克自立承其家孫六人年七十有七而卒知
縣劉同爲之傳

傅氏名善貞龔印可妻年幾三十印可卒堅志守節訓
育二子泰寧泰官戶科給事中死靖難節泰妻傅氏
生永吉方四歲撫教肖其姑後永吉仕至大理寺卿
知縣吳祐爲作安節堂銘

劉氏方佶妻青年舉一子夫故家貧有勸其再適者氏
剪髮自矢曰禽鳥猶不失儷况人乎辟纊給食至老
節若冰霜族黨嘉之

舒氏鄭經妻年十六歸鄭景泰中處州賊葉宗雷劫掠

郡邑氏為所擄入夜乘閒潛出寨門以羅巾自經家

人為收其尸瘞之顏色如生

四年後賊平鄉人藍汝耕夜經氏墓處見一少

婦出室迺曰妾舒氏之女鄭門之婦與君居同鄉為

在賊所鹵恐罹汚辱乃自縊茲抱恨泉壤四年矣天

府以妾貞烈為雷府侍書奈塵緣未絕哀惻未伸伏

願君附書信以致姑嫜耳投書訖更以玉簪一枝貽

之汝耕越三日過鄭氏呈是書與物備悉其故其姑

嫜垂泣視之誠然亡婦手札及舊簪也本西樵野記

華氏黃靜妻正統己巳處寇掠境將避亂遇寇於道義

不受辱投水死

賈氏劉文琳妻年二十八夫亡遺孤俊甫數歲撫之成

室後子婦俱歿復撫養諸孫成立年七十餘卒

趙氏方承斌妻年二十夫故父母勸令改適氏剪髮遺之曰以髮還親志不可奪也終身紡織足不踰閭撫一子成立年九十卒

樓氏方允寧妻年二十餘夫亡養姑撫孤俱憑績紡卒年九旬人稱貞壽

龔氏趙術妻嫁未三載夫歿年甫二十三無子人難其守剪髮自盟垂三十年

本通志補入

駱氏王堯卿妻年二十而寡恐父母移其志終不歸寧

其姒得子育以爲嗣

本通志補入

金氏何仁五

通志作二

妻年十九夫死止一女每撫之而泣

繼以血做廬三閔族有欲其再適而私其產者毀其
半使無以居金志益堅繼姪爲嗣郡守劉蒞上其事
詔旌之復其家

王烈女許某爲室未行某死請於父往吊父與俱至則
服衰守喪帷父命之歸女取銀珥投於水曰此珥若
浮當從父命依姑處樓上終其身

方氏丁復興妻三十夫卒送柩往葬先是堪輿家云山
有吉壤族人挺矛以阻護喪者將與鬪氏止之護喪
者曰然則無葬乎曰葬者藏也寧必此地之是而彼
山之非乎護喪者曰餘石也舍此不可入矣氏乃徘徊

徊睇曰拱把之木非土不長去木得無有土乎伐木
果得土方廣八尺遂以葬其後科第衣冠甲於邑里
虞氏駱柱妻夫亡年二十三哀慟逾禮毀容杜門紡績
以營衣食教二子煥燁有成年九十卒事聞詔旌其
門

趙氏方興賢妻年二十而寡飲泣撫孤貞守至八旬終
張氏方銓妻二十夫亡一子訟累入獄氏先後數十讞
得平反拮据持守田廬無恙躬親績紡耄年不倦人
嘆其苦節

黃氏劉景濂妻年二十九夫亡守志撫孤成室至六十

餘歲以完節終

朱氏方可海妻二十夫故遺命改適不允父母勸之氏誓天孀守教子以義萬歷癸卯及丙午邑侯張周並扁獎之

龔氏劉漢傑妻年二十二夫亡遺雙孤甫週歲氏孝事孀姑教子就學紡績伴讀人比孟母年七十餘卒

季氏虞仲儀妻儀多病氏紡績以奉舅姑克盡婦道年二十九夫亡遺一子甫三月孀守撫孤成立至老益

堅

黃氏劉漢傳妻年二十餘夫亡無子決意殉死姑黃諭

之曰余年二十九寡居撫子汝死如老身何氏遂矢志奉姑人稱一門雙節卒年俱八十邑侯李扁其門黃氏庠生虞克岐妻年十九岐應秋闈暴卒於邸氏矢志孀守延師教子次希范幼希曾由邑庠入成均嘉靖閒同登仕秩祿養餘年壽躋八旬

何氏虞守良妻年二十三良歿一子甫六歲越六月遺腹得男紡績鍼紉以自給撫二子俱成立卒年六十
有四

李氏邑廩虞守倫妻倫家貧好學氏紡織以供一日夫赴試暮夜墮井死氏矢志撫孤年七十九卒

虞氏黃極妻極卒遺孤宗鎬三齡墓後與姑紡績存活
有東陽張姓賄其父欲娶之氏誓死不移孀居六十
餘年嘉靖三十二年旌

趙氏黃宗武妻年二十二宗武卒誓守孤幃力勤紡績
五十餘年內外無閒言事聞詔旌其門

陳氏徐越妻越屬纊時年十九抱孤恭守節恭亦亡繼

姪廷佐爲後巡按御史周汝員扁其門曰冰霜雅操

黃氏庠生吳嘉謨妻謨卒氏年二十一有欲奪其志者

氏誓死靡他學使者范惟一表之曰貞行卓有古風

完節允爲內範

馮氏龔福興妻興卒時姪方七月閱三月而子熈生辛
勤勞瘁撫育成立郡守汪文淵申請褒獎

樓氏江灣吳湘妻湘亡氏年二十四有富室欲娶之斷
髮以誓教子明相入邑庠年八十卒僉事趙大河表
其門院賚以帛

葛氏張應方妻年二十餘夫亡守節邑侯孫扁獎之

鄭氏張廷仰妻二十九守節家甚清苦撫三男成立卒
年八十八歲

陳氏張應嗣妻年二十六守節年餘六旬邑侯宋給扁
樓氏張文慶妻二十二歲夫亡敬奉舅姑守節終身

洪氏李誠妻知州文婦誠卒氏年十九姑令改適斷髮
自誓冰操六十餘年邑侯沈天麟贈詩云夫在兩心
結夫亡兩子單棲鸞謝鉛粉鐵石矢心肝白璧百年
事青天一寸丹表揚應我愧貞烈異時看郡守葉宗
春具其事以請隆慶五年巡按御史謝廷傑奏旌其
門

王氏名貴舉人毛一松妻照磨毛倫媳一松會試道卒
氏聞斷髮守制一子如玉甫八歲撫之悲號日夜不
輟夢一松示以詩曰悽悽復悽悽白頭不相離課子
入庠梯沈氏名淑一松弟庠生一蘭妻年二十一

蘭病篤祈以身代蘭死子生二月名遺兒越二載遺
兒瞽母家欲令再適氏泣告曰夫雖不幸夫緒尙存
若以夫亡子瞽而改節他日何以見夫於九泉耶事
姑以孝邑侯潘允哲郡守葉宗春上其事隆慶五年
閒巡按御史謝廷傑表其妯娌雙節

方氏監生龔滔妻滔亡年二十泣撫遺孤辛勤自守及
子女嫁娶終一日謂其子曰吾志畢矣吾將見汝父
於地下遂絕飲食更衣而逝

吳氏虞良椿妻年二十一夫亡僅遺一女紡績奉孀姑
年八十事之如初及歿不能葬宗族歛資以助氏歿